

INFORME-PROPOSTA

Asunto: Concesión da Medalla da Cidade 2017

O RD 2568/86, que aprobou o Regulamento de organización, funcionamento e réxime xurídico das administracións públicas, nos seus artigos 189, 190 e 191 faculta a estas para establecer e acordar a creación de honras, distincións ou condecoracións. Un regulamento especial determina os trámites oportunos.

O Regulamento de Honras e Distincións, aprobado por este Concello na súa sesión do 29 de setembro de 1981, establece no artigo 7º, como distinción, a Medalla da Cidade. O artigo 3º dispón: *se poderá propoñer por moción da Alcaldía, dos grupos políticos, por petición popular ou por petición dun número de concelleiros e concelleiras igual á maioría absoluta.*

No exercicio das súas atribucións nesta materia, a Excma. Corporación Municipal de Vigo, propón concederlle a Medalla da Cidade, neste 2017, ao Centro Oceanográfico de Vigo do Instituto Español de Oceanografía.

A proposta recoñece o papel dos cen anos do Centro Oceanográfico de Vigo do Instituto Español de Oceanografía afrontando amplos retos na investigación, desenvolvemento e consello científico dirixido a dar resposta aos requirimentos e retos sectoriais en materia de mellora do medio ambiente, pesca, acuicultura, salubridade e calidade dos produtos alimenticios de orixe mariña.

Polo antedito, propónse ao Pleno da Excma. Corporación a adopción do seguinte acordo:

“Conceder a Medalla da Cidade, Reconquista 2017, ao Centro Oceanográfico de Vigo do Instituto Español de Oceanografía en consideración ao seu papel fundamental na investigación mariña”.

● CENTRO OCEANOGRÁFICO DE VIGO DO INSTITUTO ESPAÑOL DE OCEANOGRAFÍA.

A creación dun laboratorio do Instituto Español de Oceanografía (IEO) en Vigo iníciase pola inquietude social ante a crise da sardiña, un problema que preocupaba nos primeiros anos do século XX aos sectores produtivos e a poboación en xeral, polas súas consecuencias sobre a economía e o emprego.

A explotación e conservación dos recursos marisqueiros e os bancos naturais, así como a introdución das bateas para mexillón en Galicia, están presentes nos estudos do IEO desde as súas orixes. É importante sinalar o que significou e significa o Centro Oceanográfico de Vigo no estudo das mareas vermellas.

Foi pioneiro en España coa súa rede de vixilancia adicada a detección, investigación e análise do impacto das micro algas nocivas sobre o cultivo, produción e a saúde, transformándose nun Centro de referencia Internacional.

Este centro tamén é pioneiro no desenvolvemento da acuicultura, xogando un papel moi destacado no inicio do cultivo de especies como o rodaballo, o ollomol ou o polbo e levando a cabo iniciativas de mellora sobre outras especies como o linguado. A transferencia destes coñecementos ás empresas potenciou o desenvolvemento industrial de moitas delas.

Polos cen anos en Vigo afrontando amplos retos na investigación, desenvolvemento e consello científico dirixido a dar resposta aos requirimentos e retos sectoriais en materia de mellora do medio ambiente, pesca, acuicultura, salubridade e calidade dos produtos alimenticios de orixe mariña, propónse ao Centro Oceanográfico de Vigo do Instituto Español de Oceanografía como *Medalla da Cidade 2017*.

Vigo, 20 de marzo de 2017

INFORME-PROPOSTA

Asunto: Nomeamento Vigueses e Viguesas Distinguidos ano 2017

O RD 2568/86, que aprobou o Regulamento de organización, funcionamento e réxime xurídico das administracións públicas, faculta a estas para establecer e acordar a creación de honras, distincións ou condecoracións (arts. 189, 190 e 191). Os oportunos trámites determinaranse en regulamento especial.

En aplicación do artigo 5º.3. Do Regulamento de Honras e Distincións, aprobado por acordo plenario de 29 de setembro de 1981, a Comisión de goberno do 14 de marzo de 1988, aprobou a institucionalización do nomeamento de **Vigués Distinguido** para galardoar *“á persoa ou grupo de persoas que se distinguiron e sobresaíron ao longo das súas vidas polas virtudes urbanas ou polo seu quefacer profesional; vigueses famosos, populares e mesmo, nalgúns casos, persoas que, polo seu labor calado ou polo seu auto-*

rexeitado protagonismo, non son coñecidas pola maioría”.

A facultade de nomeamento corresponde ao Pleno da Corporación, recollendo as propostas do Goberno Municipal e suxestións de propostas doutros grupos municipais.

A proposta do presente ano 2017, segundo notas recollidas no expediente, é a seguinte:

- Centro Recreativo, Artístico e Cultural de Coruxo (CRACC).
 - José Silveira Cañizares
 - Ramón Patiño Gómez
 - Mayeuis Conservatorio das Artes
 - Mercedes Oliveira Malvar
 - Colexio de Fomento As Acacias-Montecastelo
 - Recuperación do Casco Vello simbolizado na Asociación de Comerciantes do Casco Vello.
-
- **CENTRO RECREATIVO, ARTÍSTICO E CULTURAL DE CORUXO (CRACC)**

O Centro Recreativo, Artístico e Cultural de Coruxo foi fundado en abril do ano 1967 de forma oficial aínda que o grupo fundador comezara a súa actividade un ano antes.

Estes fundadores eran un grupo de mozos da parroquia que ante a inexistencia dun espazo onde dar cabida ao desenrolo intelectual e onde dar un emprego axeitado ao seu tempo de lecer, decidiron comezar esta marabillosa aventura.

A idea fundamental era a de dispoñer dun centro socio-cultural aberto a participación de tódolos cidadáns foran ou non da parroquia.

Por estes cincuenta anos de historia nos que o CRACC segue a ser o referente ineludible de vida social, cultural e asociativa da parroquia de Coruxo propónse ao Centro Recreativo, Artístico e Cultural de Coruxo *Vigués Distinguido 2017*.

● JOSÉ SILVEIRA CAÑIZARES

Fillo dun funcionario de orixe galego, optou por Vigo para comezar a traballar como oficial de máquinas nos primeiros rastreiros conxeladores de Pescanova.

Só tardou 9 anos en fundar Remolcanosa(Remolcadores Nosa Terra S.A.), en 1974, pequena compañía de remolcadores.

Ademais dos negocios navieiros e os sanitarios, o Grupo Nosa Terra XXI inclúe participacións en estaleiros, lavanderías industriais, inmobiliarias, empregando no seu conxunto a mais de 5.000 persoas.

Polo seu esforzo, entrega e extraordinaria peripiecia empresarial propónse a José Silveira Cañizares como *Vigués Distinguido 2017*.

● RAMÓN PATIÑO GÓMEZ

Ramón Patiño Gómez é un arqueólogo e historiador vigués nado no barrio de Coia.

Ademais de dirixir importantes escavacións e traballos de arqueoloxía e presidir o grupo “García Alén” foi director da revista “Pontevedra Arqueolóxica”.

Por dedicar toda a súa vida a poñer en valor a riqueza do patrimonio somerxido na rías galegas propónse a Ramon Patiño Gómez como *Vigués Distinguido 2017*.

● MAYEUSIS CONSERVATORIO DAS ARTES POLO MOTIVO DO 30 ANIVERSARIO DA SÚA FUNDACIÓN E POSTA EN MARCHA NA CIDADE DE VIGO.

O Conservatorio Mayeusis é un centro educativo fundado no ano 1987 no número 118 da rúa Areal, situación que se mantén na actualidade.

Os impulsores deste proxecto foron un grupo de persoas que crían profundamente que outro tipo de educación artística era posible, respectando os principios fundamentais dos alumnos e imprimíndolle a esta formación, tan anárquica naqueles tempos, un selo de “normalidade”, do que

xa disfrutaban as ensinanzas que se impartían en Escolas Infantís, centros de primaria e institutos.

Polos 30 anos do único centro do estado español no que o alumnado pode cursar nel toda a súa formación artística, desde os mais prematuros inicios ata acabar a formación Superior coa obtención dun Título Superior equivalente aos actuais Graos Universitarios, converténdose nun referente cultural, artístico e educativo propónse ao Conservatorio Mayeosis como *Vigués Distinguido 2017*.

● **MERCEDES OLIVEIRA MALVAR (CHIS)**

Filla do célebre escultor galego Juan Oliveira, Chis mostrou moi cedo unha clara inquietude cara os evidentes conflitos entre a construción cultural de xénero e a identidade individual.

Licenciouse en Filosofía na Universidade de Santiago de Compostela e anos mais tarde en Pedagogía na mesma Universidade. Foi presidenta da ONG de derechos sexuais *Federación de Planificación Familiar Estatal* entre 1998 e 2004.

Despois de dar clases en varios institutos na actualidade é catedrática de Filosofía no Instituto Alexandre Bóveda de Vigo. Ademais colabora cos Centros de Formación do Profesorado e do persoal socio-sanitario, impartindo cursos de filosofía, prevención de violencia de xénero, intelixencia emocional, educación sentimental, coeducación e educación sexual.

Por ser unha das voces pioneiras en materia de educación sexual propónse a Mercedes Oliveira Malvar como *Vigués Distinguida 2017*.

● **COLEXIO DE FOMENTO AS ACACIAS – MONTECASTELO. POR 50 ANOS DE PERMANENCIA NA CIDADE**

As Acacias é un colexio concertado plurilingüe de Fomento en Vigo que se fundou en 1966. Trátase dun colexio feminino, excepto en Infantil, que é mixto. Encóntrase situado nunha zona rodeada de eucaliptos, cunhas magníficas vistas sobre a cidade e a ría, cas illas Cíes ao fondo.

Montecastelo é un colexio concertado plurilingüe de Fomento que se fundou en Vigo no mesmo ano. Está situado nunha zona tranquila, ás aforas de Vigo pola estrada de Madrid, e moi ben comunicado coa cidade.

Os principais trazos da ensinanza destes colexios son a educación personalizada a excelencia educativa e a identidade cristián

Polos 50 anos de permanencia na cidade proponse ao Colexio de Fomento As Acacias-Montecastelo *Vigués Distinguido 2017*.

- **RECUPERACIÓN DO CASCO VELLO SIMBOLIZADO NA ASOCIACIÓN DE COMERCIANTES E HOSTALEIROS VIGO VELLO**

Ao equipo humano que está fortalecendo este espazo da cidade encabezado pola Asociación de Comerciantes do Casco Vello.

Vigo, 20 de marzo de 2017